

**BOSNA I HERCEGOVINA  
FEDERACIJA BOSNE I HERCEGOVINE  
JU KANTONALNI CENTAR ZA SOCIJALNI RAD  
Ul. Gatačka br. 80, Sarajevo**

**Broj: 35/X-02-404-1248.7/18**

**Datum: 16.08.2018. godine**

Na temelju člana 69. stav (1), tačka b) i stava (2), tačka e), člana 70, stav (1), (4) i (6), Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku imenovana rješenjem broj 35/X-02-404-1248.1/18 od 18.07.2018.godine, u postupku javne nabavke goriva za potrebe JU „Kantonalni centar za socijalni rad“, v.d. Direktora donosi

**O D L U K U  
O PONIŠTENJU POSTUPKA JAVNE NABAVKE  
GORIVA  
-konkurentski zahtjev za dostavu ponuda-**

**Član 1.**

**Poništava se postupak javne nabavke goriva za potrebe JU „Kantonalni centar za socijalni rad“ broj 35/X-02-404-1248/18 od 18.07.2018.godine iz razloga što je cijena prihvatljive ponude znatno veća od osiguranih sredstava za predmetnu nabavku.**

**Član 2.**

Za izvršenje ove odluke zadužuje se i ovlašćuje Služba za pravne poslove, koordinaciju i informisanje i Služba za računovodstvene i opšte poslove.

**Član 3.**

Ova odluka objavit će se na web-stranici JU „Kantonalni centar za socijalni rad“ [www.kcsr.ba](http://www.kcsr.ba), u skladu sa članom 70. stav 6. Zakona o javnim nabavkama Bosne i Hercegovine.

**Član 4.**

Ova odluka stupa na snagu danom donošenja.

**O b r a z l o ž e n j e:**

Postupak javne nabavke goriva pokrenut je Odlukom o pokretanju postupka javne nabavke broj: 35/X-02-404-1248/18 od 18.07.2018. godine.

Javna nabavka provedena je putem konkurentskog zahtjeva za dostavu ponuda.

Ukupna procijenjena vrijednost javne nabavke bez PDV-a je 8.000,00 KM.

Obavještenje o nabavci broj 230-7-1-26-3-8/18 objavljeno je na portalu javnih nabavki 25.07.2018. godine.

Budući da je u ovom postupku objavljena tenderska dokumentacija u sistemu „E-nabavke“ ugovorni organ uputio je poziv za preuzimanje tenderske dokumentacije u sistemu „E- nabavke“, koji odgovara zahtjevu za dostavu ponuda iz člana 88. Stav 1. ZJN i to sljedećim ponuđačima:

- „HIFA-PETROL“ d.o.o. Sarajevo
- Petrol BH oil Company d.o.o.
- Energopetrol d.d. Sarajevo

Iz sistema „E-nabavke“ tendersku dokumentacija su preuzeli sljedeći ponuđači:

- Ekapija d.o.o.
- HIFA PETROL DOO SARAJEVO
- BBS Europe
- PETROL BH OIL COMPANY DOO
- GREEN OIL D.O.O.
- HIFA-OIL DOO TEŠANJ
- HOLDINA DOO

Komisija za javnu nabavku imenovana rješenjem broj 35/X-02-404-1248.1/18 od 18.07.2018.godine dostavila je dana 16.08.2018.godine, Zapisnik sa otvaranja ponuda i Zapisnik o pregledu i ocjeni ponuda sa preporukom o poništenju postupka javne nabavke broj: 35/X-02-404-1248.6/18 od 16.08.2018. godine, u postupku javne nabavke goriva.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda **1**.
- da je blagovremeno zaprimljena **1** ponuda.
- da su neblagovremeno zaprimljene **0** ponuda.
- da je **1** pristigla ponuda prihvatljiva, ali ponuda je znatno veća od osiguranih sredstava za predmetnu javnu nabavku.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

U postupku ocjene provedenog postupka, Direktor ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je preporuka za poništenje postupka javne nabavke data u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je ponuda ponuđača HIFA-PETROL d.o.o. Sarajevo znatno veća od osiguranih sredstava za predmetnu nabavku:

R.br.	Naziv / ime ponuđača	Ponuđena cijena (bez PDV-a)	Ukupna cijena sa PDV-om
1.	„HIFA-PETROL“ d.o.o. Sarajevo	10.543,59 KM	12.336,09 KM

Procjenjena vrijednost ugovornog organa za predmetnu nabavku goriva je 8.000,00 KM što je maksimalan iznos sredstava osiguranih za predmetnu nabavku.

Iz navedenih razloga, primjenom člana 69. stav (2). tačka e) Zakona o javnim nabavkama („Sl. glasnik BiH“ 39/14), odlučeno je kao u članu 1. ove Odluke.

#### **POUKA O PRAVNOM LIJEKU**

Protiv ove odluke može se izjaviti žalba Ugovornom organu, najkasnije u roku od 5 (pet) dana od dana prijema ove odluke.



**VD DIREKTORA**

**Enes Šabić, dipl. pravnik**

Dostaviti:

- Služba za pravne poslove, koordinaciju i informisanje
- Služba za računovodstvene i opšte poslove
- Arhiva tend. dokument.
- Ponuđaču